


«Сенің әлемің» - «Твой мир» облыстық газетінің №3-4 нөмірінде А.Молдаштың, №17-18 нөмірінде М.Бушумбаеваның мақалалары және «Көзайым» мектеп газетінде басылған 2 «г» және 4 «ә» сынып оқушыларының шығармалары басылып шықты.

*Семінар*

## **ЖАМАННАН ЖИРЕН, ЖАҚСЫДАН ҮЙРЕН!**

Жақында №2 жалпы орта  
тім беру мектебінде «ЖТБО



технологиясы арқылы сабақ үстіндегі оқушылардың жұмысын ұйымдастыру» әдістемесі бойынша семинар-практикум өтті. Оған қала мектептерінің бастауыш сынып мұғалімдері де қатысты.

Бұл күні аталған технология негіздерін толық меңгеріп, тиімділігін іс жүзінде бағамдай білген 1 «г» сыныбының мұғалімі Еркасова Алия Шаймұратқызы және 3 «в» сыныбының мұғалімі Бушумбаева Нұргүл Хамитқызы өз тәжірибелерімен бөлісті.

Олар математика және қазақ тілі пәндерінен ашық сабақтар өткізді. Оқушылар сабақ барысында жаңа тақырыпты үйреніп қана қоймай, өз білімдерін өздері әділ бағалай алатындарын да көрсетті.

Ал ұстаздар болса, жаңа әдістеме негізінде өткізілген сабақтар жөнінде өз ұсыныс-пікірлерін ортаға салып, жаңашыл жобаның оқушылардың білім сапасын көтерудегі маңыздылығына ден қойды.

**Айгүл МОЛДАШ,  
№2 ЖОББМ-нің ұстазы**

## Құстар - біздің досымыз

1 сәуір - Халықаралық құстар күніне байланысты «Құстар - біздің досымыз» атты тәрбие сағаты өтті. Осы тақырыпқа сай безендірулер жасалды. «Құстар әлемінде» қабырға газеті, құстардың тіршілігі туралы баяндайтын кітаптар көрмесі ұйымдастырылды. Тәрбие сағаты топпен жұмыс түрінде берілді. Әр топ берілген тапсырмалар бойынша жұмыс жасады. «Табиғат және адам», «Қанатты достар», «Құстар - әлеміне саяхат» атты альбом жасалды. Оқушылар әр құстардың суретін сала отырып, өздігінен шығарған өлең жолдарын, болжамдар және өздері білетін құстардың тіршілігі туралы мәліметтерін жазды. Әр топ құс ұяларының макетін жасап, оқушылардың қызығушылығын танытты. «Құстар - біздің досымыз» - тақырыбына суреттер бәйгесін

ұйымдастыра отырып, «Ерекше суреттер» номинациясы бойынша мына оқушылар аталды. Олар: Қасым Әмірхан, Молдаханов Ержан, Ербулат Рания, Тұрсұнмұратова Жанерке, Темиржанова Айым, Баяхметова Жамила, Мейрамғазы Мирас. Оқушылар пікір - таласқа түсіп және біріге жұмыс жасай отырып, бір шешімге келді. Бұл тапсырма оқушыларды қатты қызықтырып, үлкен әсер етті. Тақырыпқа орай «Сен білесің бе?» атты викториналық сұрақтар берілді. Соңынан құстар тіршілігі туралы үзінділер көрсетілді. Тәрбие сағатының соңында оқушылар «Ақ көгершін» әнімен аяқтады.

**Майгүл Бушумбаева,**  
**бастауыш сынып мұғалімі,**  
**№ 2 мектеп**

*Құрметті оқырман, бүгін газетіміздің көзекті санына Павлодар қаласы №2 ЖОББМ-нің «Қазайым» атты мектепшілік газетінен керемет хайуанға алып, қуанып, оқыл отырыңыз. Оқушылардың шығармаларын сіздерге де ұсынғанды жөн көрдік.*

**Тнімді сабақ - мұғалімнің кәсіби тұрғыдан осуінің кепілі**

Таяуда «ЖТБО технологиясы арқылы сабақ үстіндегі оқушылардың жұмысын ұйымдастыру» әдістемесіне сүйене отырып, «Ұзындық. Масса. Көлем» тақырыбы бойынша 1 сынып оқушыларымен семинар-практикум өткіздім.

Ашық сабақтың мақсаты: оқушылардың білім, білік, дағды деңгейлерін қалыптастыра отырып, белсенділігін арттыру болды. Бірінші сынып оқушылары оқуға жаңа бейімделіп келе жатқандықтан, ЖТБО технологиясын пайдалануда біраз қиындықтар кездесті. Білімді меңгерту сатысында түрлі флипчартта жасалған тапсырма-

лар тараттым. Бұл оқушылардың белсенділігін арттыруға көмектесті. Оқушылар жеке тұлғаға арналған парақтағы тапсырмаларды орындай отырып, өз бетінше жұмыс істеуге бейімделіп келе жатқанын байқадым. Оқушылардың білімі дифференциалды қарым-қатынаста жүзеге асты. Ал, сәл күрделірек тапсырмаларды оқушылар алгоритмге қарап жасады. Олар сабақ соңында тапсырма кілттері арқылы өз жұмыстарына баға берді.

**Әлия ЕРКАСОВА,**  
1 «ә» сыныбының мұғалімі

**БҮРКІТ**

Қазақ халқы құстардың ішінен бүркітті тәккаларлықтың ерліктің, батылдықтың, қайсарлықтың белгісі деп таниды. Олар ұяларын биік таулардың ұшар басына салады және таза ауа мен тазалықты ұнатады. Бар-жоғы 30 жыл өмір сүрсе



**Нұрхан ТҮРҒАНБЕК,**  
4 «ә» сынып оқушысы

де, аса қадірлі құс. Бүркітті «қыран құс» деп те атайды. Ел арасында ерлік істерімен көзге түскен батырларды қыран құсқа теңеп, оларды мақтан ету дәстүрге айналған. Жаңа туған нәрестелерге де ермензді болсын деп «Бүркіт» есімін берген. Халқымыздың оған деген ең үлкен құрметін оның бейнесін мемлекеттік Туымыздың нышаны ретінде қабылдап, өрнектеуінен де байқауға болады. Бүркіт – өте алғыр, қырағы құс. Түр келбеті суық көрінгенмен, ерекше сымбатты құс. Осы уақытқа дейін аталарымыз бүркітті баптап, мәпелеп өсіріп келеді. Ал аңшылар аң аулауға шыққанда сәйгүлік ат мініп, тазы мен бүркітті ертіп шығады. Мұны – аңнан табысты оралудың белгісі деуге болады.

**МЕНІҢ МЫСЫҒЫМ**

Біздің үйде кішкентай ғана сұр мысық бар. Ол өте сүйкімді. Анамыз үйге алып келгенде, оның туғанына бір-ақ апта болыпты. Біз оны бірден жақсы көріп кеттік. Анамнан мысықтардың он жылға дейін өмір сүретіндерін білдім. Ол тек тышқан аулай бермейді, сүт ішіп, тамақ та жейді. Кейде еркелеп тәтті қылықтарымен көңілімізді де көтереді. Анасын сағына ма, әлде әлденеге ренжи ме, кейде мияулап, жылайтын сияқты болады. Ондайда бәріміз оны аяп, басынан сипаймыз. Маған бір тәтей: «егер мысығыңның түсі үш түсті ала болса, онда сен бақыттысың» деген еді. Менің мысығымның түсі де

үш түсті ала. Демек, мен бақытты шығармын, иә?!

**Ақжан ИДРИСОВА,**  
4 «ә» сынып оқушысы



**ҚЫС, МЕН СЕНІ ЖАҚСЫ КӨРЕМ.!**

Әкем айтқандай, әр мезгілдің өзіндік ерекшелігі бар. Бірде қатты ашулы, бірде мейірімді болып келеді. Биыл біздің жақта қыс аса қатал емес, бірақ қар қалың түсіп жатыр. Көшеде асыққан адамдар, ағылған көліктер көп-ақ. Қыс мезгілі маған қатты ұнай-

дегенді ұнатамын. Ол кезде айқала аппақ көрпе жамылып, ұйқысынан жаңа тұрып жатады. Кейде маған ауладағы мына ағаштар, үйлер – бәрі-бәрі көрмет бір ертегідегідей, өзім сол ертегінің кейіпкеріндей сезінемін. Сондай әдемі! Ал, таңғы Күн нұры аспанға көтерілген шақта оның қарға түскендегі сәтін көрсеніз... Қардың беті бірден жалт-жұлт өткен сан-түрлі жылтырақтарға толып, билеп кетеді. Әдемілігі сонша, тіпті, көзінді ала алмайсың. Өзіңді бір сәт Күннен шағылысқан жаңағы жылтырақ саулемен ойнап тұрғандай сезінесің. Сондай әсерлі! Сол сәтті ұзақ тұрып, тамашалаймын. Мұндайда менің көңіл-күйім бірден көтеріліп кетеді. Мектепке де қуана-қуана барамын. Қыс, мен сені жақсы көрем.!



**Алдияр МҰРАТОВ,**  
2 «ә» сынып оқушысы

ды. Оны өзге балалар сияқты мен де асыға күтемін. Себебі, аққала жасап, шамамен сырғанап, Жаңа жыл мерекесінде Аяз атаның сыйлығын алғым келеді. Мен таңертеңгілік таңғы салқын ауаны жұтып, серуен-

**Қыс келбеті**

Жылдың төрт мезгілінің ішінде маған қыс мезгілі ұнайды. Осы қысқы демалыста ауылдағы ата-әжемнің үйіне бардым. Олардың ауылы тау бөктерінде орналасқан. Әжем күнде пешке от жағады, су тасиды, қорадағы малға қамқор болады. Ал, сиыр, жылқы, қой жаз шыққанша қорада тұрады. Әрине, қыста жану-

арларға тамақ тауып жеу оңай емес. Сондықтан, олар атам әзірлеген жем-шөпті жейді. Мен онда сауысқан, ала қарғалар, торғайларды көрдім. Ауылда достарым да бар. Біз бірігіп, аққала жасаймыз, сырғанақ тебеміз.

**Нұрай АРЫСТАНОВА,**  
2 «ә» сынып оқушысы

**СЕН САУЫСҚАН ТУРАЛЫ НЕ БІЛЕСІҢ?**

Сауысқан біздің өңірдегі қыстап қалатын құстардың бірі. Ол – ала қанатты, ұзын құйрықты, мешкей құс. Олар кез келген тамақты қорек ете береді және өте сақ. Мазасыздығы сонша, бір орында көп тұра алмайды. Ұшып-қонып, өз-өзімен әлек болады да жүреді. Олар жылтыраған нәрселерді ұнатады. Жолда көмпитің жылтырақ қағазы жатса, олар соны көріп қойып, тұмсығымен шоқыл ұясына

алып кетеді. Олар өзге құстар секілді балапандарын өздері басып шығармайды. Жұмыртқасын ұрланып барып, өзге құстардың ұясына апарып тастайды. Сөйтіп, балапандары да өзге құстың ұясында өмірге келеді. Үлкендер сауысқандарды «бірлігі жоқ құстар» деп те айтады. Олардың бұл ерекшелігін ағашта, электр сымдарында қонақтап отырған отырыстарынан да байқауға болады. Олар ешқашан бір-бірінің жүзіне қарамайды. Есесіне, ағаштың қабығын аршып, діңіндегі құрттарды жегуе шебер. Осы әрекетімен табиғатқа көп пайдасын тигізеді. Олар ағаштарды зиянды насекомдардан тазартады. Біз оларға ұя жасап, жем тастаймыз.



**Нұрия ЕШКЕНОВА,**  
4 «ә» сынып оқушысы

**Қысқы универсиаданы тамашалағым келеді...**

Мен №2 орта мектептің 4 «ә» сыныбында оқимын. Үлгерімім өте жақсы. Сабақтан кейін волейбол, тазк-вондо үйірмелеріне қатысамын. Жетістіктерім де жоқ емес. Ата-анам да, ұстазым да, достарым да мені мақтан етеді.

Жақында сыныбымызда «Қанатыңды кең серпі, Универсиада-2017» тақырыбында сынып сағаты өтті. Мұғаліміміз Айгүл Тұрсынқызы спорт тарихында алғаш өткелі жатқан қысқы ойындардың 29-қаңтар мен

ты қаласында өтетінін айтты. Онда көптеген шет елдерден мықты спортшылар келіп, спорттың 12 түрінен бақтарын сынамақшы екен. Ал, Қазақстанның намысын ең үздік 171 спортшы қорғамақ. Мұғалім тақтаға қысқы жарыстың логотипі мен жарысқа қатысуға келіп жатқан спортшылардың, олардың орналасып жатқан қалашығының суреттерін ілді. Мен қатты қызықтым! Алматыға барып, сол ойындарды өз көзіммен көріп, тамашалағым келеді.

**Абзал МАМЕТОВ,**  
4 «ә» гимназия сыныбының оқушысы



Бетті әзірлеген: Айгүл Молдаш, Павлодар қаласы №2 ЖОББМ-нің ұстазы